

張蕭亭詩集

ChL 9117.1148 ©

89

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

OCT 11 1932

~~88~~



蕭亭詩集序

哈佛大學漢和
圖書館珍藏印

康熙癸酉春衡備員桓臺司農王公爲先伯
父同年友衡以通家子間從賢嗣清遠昆仲
遊因識鄒平蕭亭張先生先生清遠舅氏也
衡慕先生名久旣獲覲先生之爲人藹乎如
坐春風中久之誦先生詩益佩服不置云先
生屬貴胄性泊然寡營屏居長白山中煙霞
杳靄泉石清暉映帶左右一瓢一卷嘯咏乎
其中雖處困頓抑鬱而心常晏如若將終身

焉此非天性所近而得乎情之至足者則不能以爲左太冲曰發言爲詩者詠其所志也升高能賦者頌其所見也先生去廊廟而就山林志誠高矣因即耳目之所怡悅發之於詩則辭依其質而義本其實故樂府古體出入於漢魏之間得古風詩之遺律詩則彷彿元白之旨趣而涵濡以王孟之氣韻蓋合唐諸家爲經緯焉衡以風塵吏不獲窮長白深處登摩訶會仙諸峰訪于茲白兔公仙蹟躡

大谷采芝山堂領其勝槩今讀先生詩可以知其志與其所見有超然世俗之外者昔歐陽氏曰世謂詩人少達而多窮非詩能窮人殆窮而後工也是誠有之特未敢以爲盡然先生與司農公齊名而司農公位居九列先生隱逸終其身詩又烏可以窮達論耶蓋各隨乎性情之所適即易位而處自有得於心而應於手者窮固工不窮亦工也衡服膺先生詩不敢自私彙爲六卷授之梓所謂藏之

名山傳之其人雖非先生志要亦衡之篤信而深好者不揣固陋妄綴數言亦就先生之詩言之耳方願學詩而敢輕言詩哉衡抑又有感焉先大父詩集流離播遷之餘駸駸乎湮沒者幾五十年而先生刪定之司農公重加較讎付之剞劂則先大父之詩且以兩先生之名而傳也並書之以誌不忘龍眠後學孫元衡拜序

蕭亭詩選序

肅然之陰其東面曰大谷俗作谷谷中有二十四村皆良田沃壤土厚而水甘桑柘交蔭雞犬之聲相聞古于茲仙人白兔公遺迹皆在其處蓋隱逸之奧區也吾內兄蕭亭先生居之初蕭亭去城市卜居于此得靈芝五色于山麓泉上因作采芝山堂背黃鵠面象山流水遶戶青山在左其西則精藍鱗次梵唄之音朝夕響荅苗茨數椽斤斧不施莞牀著席彈

琴詠歌若將終身焉者客至蘓不爨茗飲
椽粟清言竟日而已陶貞白有言吾見朱門
廣廈雖識其華樂而無欲往之心望高巖瞰
大澤知難立止恒欲就之蕭亭生席華廡先
少保公功德在前朝載之盟府諸父皆爲世
聞人鳴鐘列戟其所固有一旦棄之如脫屣
而甘就隱約以老豈時命之使然歟抑有所
託而逃焉者歟毋亦有味乎貞白之言而爲
是硜硜者歟蕭亭古今詩千餘首樂府古選

尤有神解爲擇其最者五百餘篇別爲選集
後世誦其詩者庶以知其人焉漁洋山人王
士禛造

蕭亭詩選卷一

郟平

張實居賓公

誤

新城

王士禎貽上

批點

南山歌 二首

白石皚皚南山隈爾牛有角何為哉終年驅爾食蒿
萊我為悲歌牛聲哀爾牛知我王佐亦

有舉世無
相識之感

南山白石何側側白日飯牛直到黑短衣跣足不得
息爾牛食草宜努力明朝騎爾相齊國

采葛婦歌 四首

哈佛大學漢和
圖書館珍藏印

月落參橫雞聲煩何年得伸嘗糞寃凌晨採葛至黃昏

君王請臣事已非夫人請妾妾更微日夜採葛不敢衣

謀臣無計女有色君王卧薪徒輾側我今採葛獻吳國

會稽君棲臣當死妾身自恨非男子我今採葛衣戰士

視河梁歌尤激烈斬截

齊謳行

賤子本齊人為君歌齊謳泱泱稱大國幅幘盡青州
西枕泰山巔東俯渤海流十二河山險能與強秦侔
厥土惟上下甌窶常滿篚鹽絺松枲鉛海物多珍羞
鬪雞東市裏走狗南陌頭維昔師尚父鷹揚奠成周
三月而報政首為富強謀桓公尊王室東牲會葵丘
歷世景與威雄聲冠諸侯田文佳公子英賢多與遊
上客誇囊穎下客善狗偷田橫五百人氣焰凜千秋
或辭萬家封或謝千金酬嗚呼觸與連高義果難儔
至今有遺俗好向布衣求

有當塗之遺軌寄託尤在末句

君子行

小人不可交。交亦勿輕絕。交之禍。機伏絕之禍。焰烈。譬彼贅疣。身為患。非不切。一朝剖刮。去性命。多夭折。不見幽谷蘭。荆棘生其旁。豈不欲鉏之。鉏之蘭根傷。鴟梟亦云惡。鳳凰任翱翔。魚鼈非不賤。蛟龍與之忘。所以古達人。廣道以自全。世路何紛紛。浮雲過青天。

格言可
書座右

行路難

斥鷃在枋榆。仰天笑鳳凰。駑駘才跬步。千里歎驪驄。誰銷莫邪鑄。鉛刀璞玉不剖。泣陵陽山之險。不必劍。

閣水之險。不必瞿塘。桃李未成。蹊荆棘已成。行丈夫報恩兼報怨。意氣如山刃如霜。桑弧蓬矢。兆四方。誰能三月不下堂。羽毛無剥落。扶搖一搏。萬里長行路。難莫悲傷。

子夜歌

四首

阿儂年十五。披髮始覆肩。時啼復時笑。總爲乞歡憐。樹上比翼鳥。兩心渾如一。笑煞野鴛鴦。空以羽毛匹。歡如月中桂。儂如幽谷蘭。氣味自相投。惟有相見難。菱葉與蒲葉。長短各不齊。同是水中生。風雨勿相乖。

字字清商本
色直逼古詞

子夜警歌

月到中秋後，只當十五前。誰知漸漸缺，癡想夜夜圓。
子夜變歌

魚遊山上泉，鳥浴山下溪。阿姊作郎妾，阿妹作郎妻。

戰城南

戰城南，敗城北。黃沙迷天白日黑，弓無弦，箛無矢，寶刀折。戰馬死，奮臂一呼復不前。饑烏陣陣啼不止，將軍大纛坐城頭。黃金鑄印萬戶侯。

巫山高

巫山高，不可步。湘水深，不可渡。水有汹涌澎湃之波。

山有虬曲盤拏之樹，我欲攀。綠猿虎來，我欲徒涉蛟龍。怒相思不相見，沾裳淚如雨。巫山高空自高，湘水深空自深。舟車非所願，但願人一心。

上陵

上陵白雲爲闕，赤霞爲城。別有天地，河岳日星。駕白鳳，驟玄鶴，御空而周行。東海之中，神山三仙人掌中。露湛湛，望斷童女與童男。

將進酒

將進酒，先作歌。今朝不樂，奈若何。兔走烏飛，無停息。千秋萬歲，不爲多。革鼓不鳴，土鼓鳴。齊粟聲中，萬籟。

和但願東海爲樽北斗爲杓予一酌之樂陶陶

臨高臺

臨高臺俯江水江水浩浩一萬里上有南飛之鴻下有北游之鯉中有尺素書疊疊百千語語語爲相思相思良亦苦一讀斷人腸讀罷淚如雨百年不相見俱化爲塵土

古質是
漢人語

阿那瓌

明月照白沙黃羊逐野馬三千河朔兒大戰天山下

不減
斛律

穆陵關

馬首南來穆陵東眼前忽見三兩峰拔天竅地何罅
嶻或如獅象或蛟龍望去渾疑天欲終到處始驚箭
括通嵐氣半晴還半雨幾家村落椒榭封丁丁有韻
不知處牛背笛聲野寺鐘行人相顧如相識濩落偃
蹇幾輩同祗有野雲棲不定與我顛倒秋光中

淮陰道上却寄阮亭

秋色照行顏出門成獨往北風吹我舟須臾入沅澧
回首望雲霄悠然發遠想隔浦村煙生藜蘆漁笛響
水調何人歌其音慨以慷

高調妙
于省淨

迷樓舊址

今日招提境。當年帝子宮。柳仍欺黛綠。花尚染脂紅。
白骨銷殘月。青燐蕩晚風。荒涼王業遠。麥秀冷煙中。
不減王琪落日下蕪城矣

過廣陵懷阮亭

廿四橋邊柳色新。滿船簫鼓醉遊人。王郎去後無風
雅。誰向平山賦冶春。
阮亭宦廣陵有冶春詩

蒜山迨和阮亭

城角蟠孤嶼。寒江倒影深。潮聲喧暮雨。海氣結秋陰。

壁壘千年在。英雄幾輩臨。滔滔流不盡。感慨古猶今。

京口寄同學諸子

秋風一夜入南徐。酒興詩懷日不虛。只有相思銷不
盡。題詩聊當數行書。

寄懷雪亭

海上棲遲久。避名時人尚識魯連生。四君枉有三千
客。一壁堪當十五城。氣暗姑蘇高鳥盡。波寒震澤壯
心驚。吳門八月多雷雨。匣裏時時聽劍鳴。

寄懷宜兩永言

相送河梁淚欲潛。臨行頻顧大刀鐮。回思碣石談天

語如對荆山抱玉顏。世態今從窮處得，豪華獨許醉
中還。猶餘一事差堪快，雨裏流泉，雨後山。

結妙

梧桐篇

綆短井深不可汲，美人宛轉井邊立。井邊梧桐西風
吹，飄飄葉墮美人泣。春光去後桐方榮，羣芳未歇先
凋零。年年悲秋不知處，今見梧桐秋所憑。多情莫種
無情樹，那能常聽瑟瑟聲。

起結
張王

訪姜學在藝圃

獨踏蒼苔破石痕，清流曲折見南村。幽人地僻無車
馬，落葉蕭蕭晝閉門。

奔牛道中有懷諸兄弟

安穩行人一席風，江村露冷柏林紅。遙思大谷山前
路，一片寒雲萬木空。

旅中感懷

東海有男子上帝，蟣虱臣謫向人寰。裏落拓三十春
在天等片羽，在淵如一鱗。用舍無輕重，俯仰與時新。
謀食甘掘堯披衣笑，結鶉固窮伏巖穴。硜硜葆天真，
今宵爽氣動萬物，感蕭晨金風墮黃葉。清霜老白蘋。

悲易生秋士耿耿念故人

別虹州諸友人

阮生古達人窮途淚尚隕千載失意者能不如疾疢
來去嶺頭雲聚散海中蜃縱得常相守百年亦有盡
何以贈離別听然發微哂

別醉白公權

森森河流急蕭蕭落木寒長途千里外馬瘦布裘單
雪意年光晚霜華旅鬢殘名山傳磬石所恨不同看

逸調

詠古二首

我於古來士服膺管幼安黃金在其側揮鉏不一看
攤書割席坐忘情善自寬何必在今世子魚已覺難
富貴擾於內紛紛百憂攢何如巖穴下布衣麤糲餐
柴門臨流水脩竹千萬竿素琴有遺響一唱而三歎
雖無千載名庶幾一日歡

從古
選出

雲中有白鶴往來獨翩翩健翮突高頂脩然羽毛繁
飲啄於玄圃清響遍乾坤問爾誰爲侶王喬與羨門
華表無歸期自不慕乘軒求之昔人中千載一邠原

章法
獨絕

題周文矩畫莊子說劍圖

宋國有男子天下知其賢讀書以樂道隱釣濠梁間
趙王好劍客乃著說劍篇秦漢迄五代時移世屢遷
周生真妙手彩筆染素紈圖成神物出閱歷盡千年
古色無剥落霏霏氣如煙細辨始可識生氣猶儼然
君王自端冕龍服五采綠莊生坐其側子悝侍於前
環列七劍士拔劍而語難鬢頭突禿鬢短後衣不冠
側目含怒氣若有所截剗彈鋏黃雲合拂刃秋霜寒
鋒滴讐家血背隱瘡痍瘢志在求必死所向無不前
欲知繪事妙當作如是觀

此圖尾有董宗伯跋初藏予家曾賦長歌後歸古
交堂蕭亭又題此詩三十年間人事屢遷此圖亦
入大內矣
讀之感歎

雪亭至

去時不相送來時亦不迎相見惟一笑默默通心情
無酒不須買有酒即同傾世人重膠漆輕言約死生
一朝有榮枯誰問白水盟

自歎

窮愁隨年至年移愁不遷不禁新舊續那堪年復年
處阨夫子聖蚤折顏淵賢冬夏任寒暑高低列山川
聖賢亦多闕天地不無偏矧此蚩蚩者安能據其全

貧賤希富貴。富貴慕神仙。所欲無止足。終身徒悽然。

真陶詩

始閑

比爲徭役苦手足如拘攣。偶得門無吏。便疑身是仙。
開樽何啗爾。把卷殊悠然。夢覺南窓下。松間一扣絃。

葑圃和念東先生韻

二首

西園載酒醉遊人。對酌花前意興新。綠柳眠時三徑
暖。丁香放後十分春。聽鶯選樹年年在。蠟屐遊山處
處身。我亦會心林水裏。悠然魚鳥喜相親。

一夜春光透。早叢羣芳競發。棟花風亭臺盡占山川。

勝主客相忘。嘯詠中對酒。豪懷誇峽倒。驚人好語不
雷同。南看大峪煙雲路。只隔沙溪一水東。

明湖竹枝詞

二首

綠草簑衣舴艋舟。垂竿獨釣一湖秋。得魚換酒終朝
醉。菱角雞頭爛不收。

歛灩湖光雨後妍。登樓四望碧垂天。誰將一幅西川
錦。鋪向明湖晚照前。

閑居

二首

自覺踈狂與世違。避人日日掩雙扉。更無殘客來幽
徑。祇有春風透草衣。竹葉酒香人乍病。梨花月冷燕

爭飛南窓夢覺渾無事獨倚藜牀看落暉

目送飛鴻弄五絃空亭獨坐意悠然山留桂樹疑招

隱路阻桃源漫學仙午睡夢來湘竹簟曉寒題上行

波。淺。風。流。好。句。思。張。翰。學。種。黃。花。滿。徑。邊。

張翰黃花句風流五百年佳句亦復何讓

曉寒

策策梧桐葉乍殘美人相對起長歎未凋秋草顏仍

綠不暖羅衾夢易闌靜泣涼蛩清露裏遙懷帝子碧

雲端同昌甲第簾重下細藝名香辟曉寒

結逼温李○此蕭亭少作又有詠白丁香句云人含舊恨青山外花結新愁細雨中子嚴激賞今不

載附識于此

山樓眺望

曉起推窓看千峰列翠屏笙竽流水韻鳥獸古峰形

葉落秋光老雲寒石氣青何年煩惱盡來此注山經

第四句變杜句奇特

秋日半園 二首

曲折城陰一徑斜黃山影裏見人家柴門靜掩秋風

起蛺蝶飛飛撲菜花

勝唐人茅屋斜連隔松葉

殘梧細柳弄秋姿搖曳西風不自持傍晚香生清露

下豆花落落點疎籬

怨詩行 七解

莫唱陽關曲此曲悲且哀無端入我耳中夜起徘徊
郎住南山下妾家西湖邊初見斷腸草只當並頭蓮
好月能幾時三五各一天蚤知易欠缺不如不團圓
夜起望牛女獨對天河啼爲問誰家婦知是蕩子妻
采采石蓮子種我池塘後葉小未著花根深已成藕
莫作比目魚去住必相依莫作比翼鳥東西不能飛
常見抽絲繭不覺自傷嗟只爲儂心裏一樣頭緒多

愈古

青溪小姑曲 二解

青溪洋洋小姑無郎天寒露重夜夜成霜
雲衝雨脚小姑悲悼日抱虹腰小姑歡笑

絕似古諺
極俚極雅

白石郎曲 二首

窈窕誰家兒顏色如好女郎見當何如儂心先已許
鬢髮始齊眉十四未有餘與儂並肩立自覺儂不如

古樂府
神境

少年行

黃金散盡結相識死生然諾定不食走狗鬪雞自任

俠羞從田父問稼穡。睚眦殺人渾如麻。夜夜探丸赤
白黑。報德報讐心常切。殺妻食子不動色。丈夫肯死
兒女手。百場大戰不曾壯。功成不願萬戶侯。請將寶
劍清君側。

堂堂復
堂堂

勸酒

人生暇日寧能幾。莫剩當前有限盃。况復西陵原上
樹。杏花一似待人來。

畫成戲題

書劍無成枉自悲。學農學圃又何為。閑來愛試丹青

筆。恐亦前身是畫師。

詠鶴

一自青田下玉城。相從王子聽吹笙。雙棲珠樹花千
藥。獨啄靈苗葉九莖。矯嗳雲中音節響。飛容水上羽
毛輕。無煩更續參軍賦。月落星翻別有情。

西園即事

茅屋春溪上。幽棲自一家。閑庭蹲怪石。老樹抱藤花。
引水新栽藥。開畦獨種瓜。何須嗟懶漫。學圃亦生涯。

荅曲六

春山何寂寂。一室對雲林。仲蔚幽棲處。蒙茸碧草深。

花前愁獨醉。月下祇孤吟。遠望於陵路。相思託素琴。
呂宗泗過訪西郊園居

寂寂春園野水旁。過門有客偶相將。連朝病劇詩無
賴。今日心閑酒始香。千畝綠疇交石徑。一簾花雨映
山堂。清明才去無多日。還可同君醉百場。

四句
妙

題畫

亭掩松杉古苔深。石徑斜遙看雲散。處懸雷瀉桃花。

題畫梨花

寧王小院笛聲殘。刻玉爲花壓寶欄。泣罷鮫人珠簌

數行來靜。女露溥溥。春風藉草聯。韶賞夜月。停車買
樹看。一段柔香。誰得似。流雲舞雪。共生寒。

題畫鳥

覘院枝頭送好音。秋窓披葛聽山禽。清霜一夜紅如
染。啼上門前烏柏林。

佳句

喜雨

居人多望雨。行人多望晴。所望雖不一。天心原自平。
我本農家子。南畝獨經營。春苗待雨長。秋地待雨耕。
凌晨好雨來。悠然愜我情。荷耒出門去。遙和田歌聲。

羸犢知努力。草木各向榮。年來多逋欠。頗爲胥吏驚。
但願書大有。不須徭役輕。

半園偶成

黃山連長白。峰巒何重重。煙雲未盡處。吾廬在其中。
拋卷時偃息。神魂亦從容。幽禽鳴深竹。流泉下長松。
軒窓四面啟。披葛來南風。悠然對山色。上與羲皇通。
須臾飛鳥盡。皎皎月行空。

明湖懷舊

藕葉田田藕花吐。七十泉飛。惜華雨。湖上人家半是
非。流水悠悠自今古。

秋日漫興

帶雨蒼苔點石斑。啼秋野鳥語綿蠻。先生醉卧南窓
下。一日能如兩日閑。

黃山憑眺

白雲迷山麓。古徑苔花秀。泠泠層巔上。天風吹衣袖。
湖光山外明。泉聲松末吼。參差峰巒拱。顛倒崖岸闢。
四望望平疇。青黃錯如繡。悠然發長嘯。清響彌宇宙。

退之南山句法

不寐懷人之作

嫋嫋秋風鳴泠泠。秋光滴徘徊。石砌間仰看星歷歷。

河鼓垂九曲。織女連東壁。同在水一涯。如何歎疎迹。
而我懷遠人。千里安所適。悵望天一方。相思不相覿。
思婦閨中砧。征人戍樓笛。遙應蟋蟀聲。皆以助憂戚。

不減擣衣之作

感遇

吁嗟問蒼天。蒼天何沕穆。生生與化化。總之屬疑獨。
青女散霜雪。萬物悉蟄伏。達人志功名。下士冀寸祿。
大哉千載猷。巧遲寧拙速。轍軻憶生平。使我思髦髦。
嘗言徂遠征。貂裘襲文縠。駿馬比駮耳。寶刀號青犢。
往來射平坂。馳驅獵林麓。鷹鷂多所獲。皆是屬鳳族。

烽煙連四塞。中原正逐鹿。強衆暴弱寡。荒陬吝怨毒。
我亦流離人。中懷曠若谷。前臨大江邊。波濤怒如覆。
鱸魚此處美。菰老蓴絲熟。倚馬眺金焦。凌空勢轟轟。
天塹南北分。我舸發連舳。為詠橫槊詩。流連而三復。
灑淚望新亭。帆輕雲龍逐。行行入石城。停留未信宿。
夜半楚歌起。重圍驚如簇。將軍棄瑀戈。士卒脫弓韜。
須臾內變生。談笑肆誅剗。轅門已繫頸。僅爾免彘戮。
丈夫氣阻消。歸途來僕僕。墮露飲木蘭。殘英餐秋菊。
惆悵故鄉秋。西風破茅屋。蓬蒿滿堦除。悽愴城下竹。
存亡已相半。去者無竿牘。樓頭狐晝鳴。牆外鬼夜哭。

有園成瓦礫松聲猶謾斷木棲野鶴殘荷伴孤鷺
掩卷泣蓼莪回首悲風木架上藏父書手澤不能讀
日夜事桑麻。莠莠勝佳穀涼風已屆候草木皆蕭蕭
爲日檢衣裳禦寒無旨蓄小時固庸庸長大復碌碌

此述甲乙間
事可以怨矣

老農歌

槲葉編笠草結服披風冒雨西山麓手足胼胝汗流
血用盡辛勤五穀熟陰陽燮理年歲豐果比往時兼
數斛無奈追呼債帥雄依然不得果其腹若遇凶荒
何以生回思作苦仰天哭歲晚犁鉏無用處呼兒且

向城中鬻甚勿餓死板角懷城中少年如蓬蓬身衣
錦繡厭梁肉

宛然張
王樂府

詠古 二首

隱士何爲多失職饑寒兩字苦
不救舍愁嫁衛時

予過圃田詩云脩然鄭圃
舟惆悵餘年還嫁衛先生

互觀

爭言瘦島真成佛一代書名
息鬢絲如雪不堪云

擬古 五首

寂寂一揮卮。抱愁聊吟古。發疾如弩。稷契與巢由。骨已皆塵土。以生貴。意稷棲何自苦。言念世外人。甘心老稼圃。亦各事不。如眠抱猛虎。聞昔有至人。形神如土。夜今朝。便覺白日永。閑翻太古書。恍入華胥境。簷外度鳥聲。窓間移竹影。大道本無為。人生貴清靜。回思去日非。惕然發深省。人生如花落。逐風各西東。或沾重糶上。或墜汗泥中。隨遇期自得。處困莫憂忡。凌晨飲美酒。飲罷已下春。嗟嗟今日事。來日即成空。

幽蘭生空谷。根深葉何長。不以寄託僻。遽自減芬芳。朝染流霞色。暮浥明月光。松柏非不好。萌蘖困牛羊。戕賊歷斧斤。然後成棟梁。

高枕泰山阿。俯看渤海流。縹緲三神山上。有仙人遊。洪濤四面旋。雲路阻且脩。我欲往從之。無梁復無舟。翹首空延佇。中心集百憂。

似陳拾遺

對酒行為方望子賦

門前學種陶。潛柳屋裏飛來謝。眺山地僻春深白晝。永坐對浮雲。心自閑。江南有客遠。相過手揮玉塵倒。

銀河我有牀頭酒。百斛相逢不飲。奈君何。東西南北
天涯路。人生易散。難爲聚。堂上酣歌得幾回。道旁又
禿垂楊樹。

猶有開元大
曆名家風調

園居雜詠 五首

有客東南來。清言破幽獨。聽雨夜連牀。讀書朝分屋。
對景短長歌。題遍砌下竹。高爲泰岳松。竒比匡廬瀑。
靈景當我前。冷然心意肅。

秋色入園林。鳴蟬淨嘉樹。一榻當北窓。清風愜幽悵。
苔深太古存。寂寞絕世務。手持一卷書。課兒學種圃。

問余何所樂。幽人能自悟。

明月來東臯。照我池上樓。掩映松桂間。景色清更幽。
靜坐對南山。白雲停不流。悠然意自得。於世我何求。
始知塵境外。有此良夜秋。

幽居渾無事。白晝掩柴關。何以消寂寞。無欲心自閑。
焚香獨靜坐。簷外來青山。白雲映吾廬。魂夢相往還。
日暮多好懷。涼風吹醉顏。

少小志功名。瞬忽及強年。自知命不猶。食貧甘力田。
沮溺相耦耕。孤標世所賢。人生有常業。豈爲異務遷。
古道自淳泊。遺俗在林泉。

澹泊
淳古

雨後

雨歇山欲暝。夕陽在鳥背。孤亭淡清秋。花木有餘態。
涼風四面吹。長空蕩殘靄。更望西南峰。窈窕秀如黛。
山樹互幽映。流泉春雲碓。獨坐酌芳卮。明月來相對。

起妙懷
抱如洗

晚涼

晚涼初月上。隔牆招鄰父。盤礴竹樹間。酌酒相勞苦。
禮數亦已忘。有懷無不吐。君子期謀道。小人願學圃。
理固不可移。時存今與古。

蕭亭詩選卷一

蕭亭詩選卷二

鄒平

張實居賓公

譔

新城

王士禎貽上

批點

挽王西樵吏部

名家稱奕世。選部獨難儔。弱冠賢書薦。中年帝里遊。
心通千聖脉。學滙百川流。啟事山公比。遴才伯樂優。
知交傾四海。事業凜千秋。重望媿鳴鳳。閑情似野鷗。
諸郎皆鉞鏤。今弟盡驂騮。棄職非無意。歸山自有謀。
一燈常夜對。百卷欲兼收。孺子終天慕。孤臣澤畔憂。
端然完性命。倏爾隔明幽。閱世誰非寄。論年汝早休。

蕭亭詩選卷二

鄒平

張實居賓公

譔

新城

王士禎貽上

批點

挽王西樵吏部

名家稱奕世。選部獨難傳。弱冠賢書薦。中年帝里遊。
心通千聖脉。學滙百川流。啟事山公比。遴才伯樂優。
知交傾四海。事業凜千秋。重望媿鳴鳳。閑情似野鷗。
諸郎皆鈇鏤。今弟盡驂騑。棄職非無意。歸山自有謀。
一燈常夜對。百卷欲兼收。孺子終天慕。孤臣澤畔憂。
端然完性命。倏爾隔明幽。閱世誰非寄。論年汝早休。

遺經空在壁紙帳尚垂鈎運厄三千劫魂歸十二樓
從今遊士屐不復向西州。

青陽店道中戲爲拗體

接羅斜按西風顛乘興秋原思渺然林下亂敲棗纂
纂陌頭猶見瓜絲絲野人留客飯雞黍客子杖藜攜
酒錢佳境眼前喜漸到梭山遙望封雲煙。

類唐如玉
山之將崩

題嘯園

蔣徑閑開二仲遊入門髣髴到丹丘爲從河朔諸賢
飲故作平原十日留石削芙蓉當戶立泉鳴碧玉遶

堦流夜涼競度清商曲響落空林萬壑秋

飲德植齋中

五柳當門山滿堂圖書四壁任徜徉新泉手汲供茶
鼎野果親收佐酒鎗排比花間藜杖月分疏雨後屐
痕香主人意氣尤堪喜不責淳于醉後狂。

夜飲梭山絕頂

倚杖平臨一徑苔回看身在碧雲隈東山絲竹逢秋
勝北海樽罍入夜開明月漸從岩畔吐流泉暗自樹
巔來仰通呼吸蒼旻裏欲取星杓作酒盃。

五六佳境亦自右丞明月
松間照一聯脫化而出

寄鹿鳴梭山索畫

憶君對秋色披襟坐南樓。平看樹頭月。俯聽澗中流。
西山爽氣來。白雲一窓收。縮入尺幅中。攜歸贈我遊。
十六日看月分韻得秋字

明月東臯上。雲開見好秋。人同前夕靜。興較此宵幽。
色映長林霽。光分淥水浮。霜華連夜白。露氣浥空流。
乍見金波動。知經玉斧修。嘉賓逢謝尚。勝地愧南樓。
酒政飛觴雅。詩篇詠史優。停盃何必問。髣髴廣寒遊。

雅作

醉中作歌仍用前韻

清輝破影抱林丘。皎然照我柴門幽。老子於此興不
淺。直欲鯨吞三百甌。四顧驚看人似玉。寒光蕩漾空
滄洲。人生有月兼有酒。何時何地非中秋。

勿情不減太白

閑來

閑來偶讀悲秋賦。滿腹新愁不可論。眼底青山無定
主意。中才鬼未招魂。回思往古身難歷。側看蒼天手
欲捫。明月自圓風自好。幾番辜負酒盈樽。

寄阮亭

園裏秋陰合。門前秋水流。茅屋兩三間。居然成一丘。

自悔少年時無端曳裾遊榮焰薰賤骨妄貽愛我羞
方知隱君子不與富貴儔所守惟道德祇爲性命謀
我意希此人問君君許不

起妙章
法甚高

寄沈方鄴

夜雨吳門酒半醒風生子墨語堪聽囊中詞賦吞雲
夢客裏鄉心遶敬亭別後音書何渺渺年來愁緒日
冥冥蕭條莫道無人問尚有西山挂眼青

訪友南邨不遇

雨過郊園芳草齊剛將屐齒印春泥柴門久待無人

一路垂楊鶯亂啼

海棠詠

蜀川舊日傾城種到處還將國色看細雨樓臺春夢
靜輕風簾幙曉妝寒門臨濯錦詩偏少人有黃筓畫
亦難好趁今宵才半放不妨秉燭坐更殘

夜過旂山下

月落雞聲曙蒼茫路未分回看衣上濕知是大旂雲

花徑

春意濃於酒花酣壓徑低夜來香過處帶月聽鶯啼

蕭亭閑興

孤亭四望盡山遮。綠樹蓬門自一家。栢子清香臨舊
帖。松枝活火煮新茶。惟存古道先生樂。一任時名後
輩誇。木榻湘簾長日靜。閑看小鳥啄桐花。

同雪亭夜話

一榻秋窓話五湖。西風滿目盡窮途。如君意氣堪今
古。似我癡狂更有無。酒罷琴書霜色滿。夢回海岳月
明孤。誰悲老驥思千里。擊缺牀頭舊唾壺。

五兄貽盆中兩松喜而賦此

爲慕陶隱居。我亦愛松風。哲兄知我好。贈我雙蒼龍。
禿頂秀偃蓋。老榦蝕青銅。握量不盈尺。傑然破洪濛。

我爲點石子。疊作九華峰。一峰一花萼。九朵玉芙蓉。
松石互幽映。蟠拏勢爭雄。精神相王處。濤聲振晴空。
依稀剡山勝。在我几案中。

過七兄喬木莊

偶過于茲麓。下馬訪幽居。煙雲拂喬木。春日風景殊。
東作欣未動。爲樂得自如。伏機落飛鳥。舉網取遊魚。
充庖多野味。綠樽酒不虛。相彼魚子溝。西遶黃山隅。
去此一雞飛。可以結吾廬。春冬同射獵。秋夏共讀書。
雖有富與貴。吾志不能渝。

作畫贈石虎山人戲題

蹉跎半世鬢毛斑。坐食悠悠終日閑。金盡牀頭生計少。學從紙上賣青山。

黃山

夙昔慕竒趣。好山家門前。標形渾似虎。俯首伏蒼煙。四面皆坦夷。絕頂復孤圓。巒容沐新雨。谷音答鳴泉。秋禽自在啼。野花隨意然。對月開金罍。拂石扣素絃。雲卧不知冷。頑骨抱九仙。

兔柴

陟彼黃山岡。徘徊兔柴側。白日麗城闕。錯落如鳥翼。野水山外明。遠峰雲中黑。晚風吹平疇。歷歷動黍稷。

暮鳥嘒幽聲。古樹冒秋色。蔓草隱圯亭。荆榛沒遺壘。祖父多好懷。子孫何不職。拂衣坐蒼苔。喟然長太息。于茲山

長白山盡處。孤峰見于茲。拔地無餘勢。凌空不留竒。傑立劍鋒峭。側看蓮萼欹。其上宿靄鬱。其下遶連漪。靄靄嵐氣靜。淒淒秋色滋。對此世外景。照我太古姿。徘徊明月下。涼風吹桂枝。

癯而實腴
自然可愛

腐儒歎

山有人兮薜蘿衣。夜上山頭望少微。猿狖羣嘯虎豹

嘒。淒風颯颯。月無輝。深林叢薄。人上慄。坎軋曲。岬難
憑。依心欲淹。留恫荒忽。不如奮翼。且高飛。白頭老生
淚。泣然自言工苦三十年。折膠流金無停晷。短髮蕭
蕭。梁上懸讀書。不肯讀近代。直摹董相天人篇。東家
小兒不識字。高車駟馬何翩翩。

追和王著作融淨行詩 十首

老氏崇虛無。申子尚卑卑。岐學備至道。一識廣通知。
寒山茂佳卉。溫泉浮淩澌。蛟龍安大澤。猿狖樂尋枝。
雅言貴能遜。高行不辭危。莫嗟芟衣敝。何妨又改爲。
曼倩仕非真。杜淹隱有假。仲舉強犯上。元禮嚴攝下。

起草明光殿。陳說濛濛野。置身良多途。賢達審取舍。
世無同心人。誰爲知音者。

何以酬知己。慷慨泣鮫珠。何以貺伊人。慙慙束生髮。
紛紜交相構。守一貴勿渝。昭曠易馳逐。狹斜多攣拘。
大道浩冥冥。擿埴索夷途。至潔不能染。汙泥生綠芙。
矯首對乾坤。涕淚莽回互。欲倒行逆施。空悲日云暮。
先機感履霜。防嫌畏多露。况乃蛾眉人。嫉妬來衆媮。
拂雲盡冥鴻。惟置即蹇兔。嗟嗟後來車。當以前車悟。
整襟理夏茅。長跪問靈氛。版築能作雨。屠釣亦披雲。
久湮凌煙業。空餘蕩陰墳。生平燕雀志。朝夕鹿豕羣。

潔白期玉潤芬芳邀蘭薰可以質神明泰然此天君
自識山中路往來不問津習成嵇康懶甘安原憲貧
臣棄畫然智妾遠絜然仁至道猶阻隔大患有吾身
避人寡歡娛出世多悲辛意欲兩相忘用以廣勝因
人生異職業事洵不兩隆飛忘青雲表潛安洪波中
富向地侔貴貴與天比崇分定絕僭想性慧良遠通
舉觴邀山月披襟對松風顧省苟無慙何煩憂心忡
東西楊朱路黑黃墨翟絲與物貴能擇反躬在勿欺
幸生聖明世復當少壯時座隅走狎客樽前羅曼姬
極崇生前樂彌增死後悲借琴爲君鼓請聽雍門辭

入山羨茂榛出山惑小草可磨非至堅能汗豈真皓
帝民安耕鑿下士揚文藻羣居鮮雅懷獨往舍弘道
才人嫁廝養游俠匿庸保培覆兩不測茫茫任洪造
秋風慚落葉春雨羨輕莢驥足無蹶步鵬翼豈卑棲
立身超地軸創規摩天倪行勵懿德崇聲博大名齊
急流少枝派深山饒逕蹊人生不聞道小學成大迷

詠懷感寓伯仲其阮陳之間
乎道德南華及其旨趣所在

雨

紅蕉綠竹冷空庭欲滅還明鳳脰青夜半淒風吹細
雨十年心事夢初醒

雨後望黃山

黃山過雨晚蒼蒼。入畫雙峰對草堂。樹色千重遮不
斷。秋雲影裏見牛羊。

此兒行爲雪亭賦

造物弄人亦太奇。暗中顛倒人不知。世間富貴何若
若。獨將貧賤阮。此兒莫謂此兒貧。脫手千金曾贈人。
莫謂此兒賤。祖父皆入明光殿。此兒貧賤今何如。曾
中貯有萬卷書。健筆直欲擬班馬。清詞未肯輸應徐。
我亦山中卧蒿萊。讀騷飲酒意恢台。眼中之人三三
子。此兒豈常貧賤哉。

旁若無人者

閑中有述

生平樂散誕。苦爲世務牽。今茲得閑戶。顧影已瞢然。
吾廬自妍雅。况乃山水偏。蘿月逗清暉。松風響流泉。
鼎彝太古色。四壁圖雲煙。架藏未焚書。希心得妙詮。
有時香茗供。石上橫素絃。清商指上生。遺音薄九天。
但恐白日促。秉燭復流連。有客扣門過。自稱鄉里賢。
揮手使之去。老死勿往還。

得陶韋神
理結尤古

五兄攜樽酌客半園

二首

園林喜幽僻。花木饒清姿。秋光盪曾目。曠然神自怡。
哲兄招素友。石上酌芳卮。山翠滴空砌。雲光度疎籬。
好鳥如話言。樹籟流歌吹。宴深不覺暝。酒行莫教遲。
交多難同調。會易寡良時。今茲二者。並不樂復何疑。
白露濕隰苓。明月照山榛。羣居愧儕侶。孤棲非隱淪。
耕稼既不力。讀書亦弗純。抱病卧秋色。開樽酬良晨。
非關兄與弟。同心乃相親。不必珍與錯。濁酒樂自真。
紅樹艷於花。秋草萋於春。客唱歌叶郢。主和風吹燕。
易傾西山日。急飲勿逡巡。鴈行八九子。白頭今幾人。

可爲
感涕

荅客問山居事

山中果何如。十畝薜蘿莊。八月秋氣深。處處皆蒼涼。
野人閑自律。動作亦有常。凌晨盥漱畢。維摩禮瓣香。
鳴磬開貝葉。泠泠清韻長。散步庭除下。次第灌羣芳。
課兒鋤新竹。呼僮伐遠揚。經營種蒜地。度支養雞糧。
庶務規畫罷。臨窓展縹緗。架有晉人帖。摹倣一兩行。
隨意騷與詩。朗吟十數章。紫旗顧渚茗。親點蟹眼湯。
小啜碧浪噴。兩腋天風翔。亭午出門去。策杖任徜徉。
垂綸淥水曲。看雲古澗旁。順手碁一局。無絃琴一張。
野老三四人。相對機欲忘。留連歸鳥鳴。晚峰下牛羊。

濯濯柳陰裏柴門新月光
穉子久相待牽衣入茅堂
大婦起割炙小婦爲行觴
舉酒發浩歌音節無宮商
一盃歌一疊長庚澹不芒
我醉欲高眠欹枕就匡牀
化爲栩栩蝶飛入華胥鄉
俯首看塵世逐逐名利場
得意幾何時依然上北邙

似樂志論
亦似白詩

喜鹿鳴自茗中回

大江一望浪成堆江上征帆
日夜開猶喜秋風無定向
將人吹去復吹來

古栗

在上婁村杜傳是金時樹
先太保公題曰古栗老友

秦松今已遠漢栢亦空傳
確有金時栗盤根五百年
先公稱老友小子拜前賢
歲歲風霜裏無心動世憐

老筆
空蒼

柳菴石橋東望

野寺藏春對古峰門前流水
綠陰封却從山口看
市雨樹煙村翠萬重

畫

春遊

竹杖椰瓢到處遊三春詩酒
意悠悠梨花燕子斜陽
晚寒食清明細雨愁坐嘯
松間閑似鶴行吟水畔淡

如鷗煙霞入骨真成癖一箇峰頭一日留。

納涼偶成

存。此。淡。漠。心。形。神。無。復。役。始。信。古。人。言。貧。賤。易。爲。適。
貴。人。都。車。馬。富。翁。連。阡。陌。得。失。介。于。中。憂。患。無。寧。夕。
日。暮。好。風。來。庭。虛。山。月。白。偶。有。一。斗。酒。扣。門。到。佳。客。
撫。茲。多。病。身。兼。之。時。日。迫。大。道。聊。無。聞。不。禁。情。脉。脉。

半園偶成

草堂對南山。嵐氣常在戶。野人耽幽趣。愛與漁樵伍。
舉世尚機智。我意甘椎魯。好風西南來。離離吹蘅杜。
言念詠歌人。今化原上土。人生能幾何。爲樂莫自苦。

家有雷氏琴祖製蘭亭譜

先忠定公有
蘭亭曲譜

靜掃松間石。鏗然

一再鼓。曲終心自怡。蒼蒼山月吐。

望西山

長白城頭見羣峰。拱會仙朝來。知欲雨。一半入雲煙。

題畫馬

名馬出大宛。人言種是龍。圖中一夜風雷起。朝來失却五花驄。

古調

憶西山草堂

我本世外人。風塵滯孤踪。舉頭見山月。遙懷古寺鐘。

此際霜清秋正好。擲葉滿林花樣紅。

言簡不
意甚遠

讀史 三首

卞和抱玉璞。殷勤獻楚廷。初獻一足。別再獻雙足。刑
呼天泣中。達路人爲不平。匍匐乃三獻。自分隕餘生。
一朝得剖視。溫潤踰白珩。傳爲天下寶。郊廟享神明。
流入秦趙間。價重十五城。

我嘗歎原憲。焉得不終貧。有粟不自食。欲以與鄉鄰。
何如公孫弘。厚祿心愈澆。內厨烹五鼎。外膳只一肴。

有嘲
諛意

遐哉陶靖節。日日醉東籬。非無濟世才。所遇非其時。
一官誠可羨。五斗亦足縻。慨然賦歸來。乞食欲向誰。
呼蹴衆所賤。甘心乃如飴。意謂當世人。居尊不如卑。
生前一盃酒。死後數篇詩。不以釣名譽。寸心良獨知。

幽州馬客吟歌 五首

可憐遊子婦。不如遊子馬。出門騎馬多。下馬伴儂寡。
愛馬不愛妾。言馬服遠道。郎試不出門。馬與妾誰好。

嬌憨
入妙

馬有絕塵足。妾具傾國姿。一時相換轉。阿誰是男兒。
阿母不嫁女。若忘女兒時。女兒作阿母。勿學阿母癡。

女兒十二三聞嫁促雙眉。女兒十八九不嫁雙淚垂。

妙于字字入情是真樂府

篤喜二亭雜詠 二首

與來漬墨倚欄看。欲畫飛鴻目送難。寫得秋山江水上。白雲縹緲畫生寒。

細雨霏霏晝閉關。自將吟卷伴清閑。始知隨地皆堪隱。何必巢由定買山。

遊西山

出郭興悠然。曉日麗芳甸。遙逐嵐靄來。忽接峰巒現。幽林蔽茅茨。崎嶇通一線。樵歌哀衆壑。翠光迷四面。

流泉界石壁。晶瑩挂匹練。山陰藏宿雨。澗底明驚電。晨昏物象殊。隨遇感豹變。險極窮攀躋。怪絕駭聞見。一杖刻不停。應接忘勞倦。歸來意肅肅。衣上沾雲片。

善寫難狀之景

贈永炎 二首

日出壠頭望。感此秋氣清。丈夫不得意。辛苦事躬耕。俯仰苟無忤。一身自不輕。何必策堅肥。然後成今名。牀頭一卷書。足以了餘生。

田家多辛苦。好懷在秋收。纍纍梨棗熟。油油禾黍秀。人生足痛飲。焉用貴與富。老婦出樽罍。穉子前為壽。

日暮野花香。涼風吹襟袖。

贈宜兩 二首

昔君少壯時。意氣殊落落。老來性彌堅。其實非隱約。
精神如澡雪。心骨加疏瀹。曠達俯古今。白眼無丘壑。
危行故放浪。清言展戲謔。迂陋歎巢由。辛苦笑衛霍。
汪汪人不測。陶然得真樂。

聞道衡門下。洋洋可樂飢。今茲歷貧賤。斯言若我欺。
蘭菊雖可餐。不如藿與藜。芟荷雖可服。不如綌與絺。
湘江無快語。監河有哀辭。人生苟困窮。自謀策難奇。
北望望北斗。南望望南箕。祇有空倉雀。與我同所悲。

氣古格古詞古集字如此等
作真足追配古人高步一代

訪友人山中

天風颯颯吹長鬚。曳杖秋原訪酒徒。雨裏茆堂紅樹
幕。雲中石徑綠苔鋪。無才自覺嘲難解。有志誰言憤
可孤。遊罷名山心事了。居然世外老潛夫。

山雲歌

吾愛吾園裏。雲生四面山。朝看朝雲出。暮看暮雲還。
我心可比山雲淨。我身常似山雲閑。雲氣侵我骨。雲
光照我顏。閉戶看雲自怡悅。世人不許輕追攀。

超忽

秋日田家 二首

山頭月未落。屋上雞初鳴。腰鎌向西疇。刈罷旋復耕。
隔壠見人影。忽聞叱牛聲。各人自努力。兩不通姓名。
漸看東方白。脉脉難爲情。

似儲

夕照映孤村。古道寡行旅。柴門綠樹前。野老相對語。
占雲較陰晴。閑情話兒女。相約慶西成。輪日烹雞黍。
獨有東家翁。悵然歌碩鼠。

秋郊遊覽

散步歷郊坰。天空神爲曠。如練河流澄。青山列屏障。

日映霞五色。風吹雲萬狀。泠泠眉睫間。秋色遙相覘。
中有名利途。冠蓋鬱相望。逐逐役風霜。戚戚患得喪。
獨有世外人。逍遙任藜杖。

寶劍行

我有飛龍劍。利可斷吹毛。色斂芙蓉鏢。光凝鸞鷁膏。
開匣雷電動。彈鋏虎豹嗥。生平無用處。佩之空自豪。
如日試一割。願以讓鉛刀。

文粹中
傑作也

短歌

無聊賴兮悲歌一曲。白日寒爾亦濩落。偃蹇之人當

今鼻爲酸意氣青霄飛赤電。文章大海生紫瀾。淚滴
陵陽何時乾。聞道千金買駿骨。西極天馬出龍窟。此
際淮南秋色深。山桂叢叢映明月。莫將怪事書咄咄。

格調
諧暢

長歌行

黑霧漫漫天地酣。白晝如夜無指南。造化顛倒不可
問。千竒百怪憂心憒。大小姦兮鼠變虎。陰陽亂兮女
化男。蕭何將貴奉錢五。杜甫不死鈎簾三。自形自色
自智力。能羶能香能苦甘。魯國諸生真腐儒。型仁講
讓皆空談。年來空鑄六州鐵。吐絲自縛身如蠶。

如此逸才代不
數人人不數作

會仙莊看桃花回却寄主人

萬樹桃花勸酒卮。嬌妍正在半開時。歸來獨坐三更
月。猶向瓶中看折枝。

清明

桃花乍放柳初生。葉底春禽送好聲。人在西園山翠
裏。斜風細雨度清明。

甚佳

大遊仙

姑射神人綽約形。初承帝命入天庭。霜清玉斧催修

月水冷銀河看種星。漢女驂鸞雲作旆，湘娥媵鯉霧
為駟。金泥秘籙新讐罷，詔錫長生億萬齡。

山中述事 八首

能使唐虞三代存，重從舌上闢乾坤。頰宮俎豆今千
古，翻幸秦皇虐焰燔。漢伏生勝

憶昔空山畫粥吟，安危事業已身任。至今澗水多悲
響，似識當年憂樂心。宋范叅政仲淹

屢却徵輪老石泉，元人品格重當年。身將隱矣文焉
用，不見先生一字傳。元長白先生張臨

一代奇人安處士，高風落落滿黃山。翠微亭子知何

在，衰草寒林晚照間。元安處士宅

日買圖書手較讐，能將單父化西州。幸留一卷瀛南
子，知是嘉隆第一流。先祁縣公松

新詩雅愛黃山谷，散語居然酈道元。舉世人知勲業
好，豈非德大掩其言。先太保忠定公

我家比部精書法，醉後龍蛇滿紙飛。二十年來零落
盡，人間一字一珠璣。先比部文孝公

先公一語全京口，共道賢於十萬師。恰似襄陽羊叔
子，千秋淚墮峴山碑。事在宋荔裳先生誄言中

絕句

露濕幽花滿院香。西風枕簟起微涼。清秋無限懷人意。愁聽寒蟲語夜長。

秋夜吟

心中鬱陶不自得。高枕秋山對秋色。秋色撩人夜不眠。四望漠漠長空黑。白衣蒼狗雲影垂。變化倏忽那能識。富貴功名古來事。徒令展轉增嗚嗚。八升布一豆食。日出而作日入息。擊壤歌罷起西風。棲鳥啞啞蟲唧唧。

閨怨

少小多憨態。從來不解悲。昨宵明月下。秋意上蛾眉。

在李白崔國輔之間可謂蘊藉

夜寒

夢覺五更寒。山禽棲不定。窓前夜雨聲。葉滿莓苔徑。

望醴泉

策馬滸山側。南望望醴泉。古刹翠微裏。白雲千峰連。希文儲相業。寶誌安枯禪。惆悵千古事。流水自涓涓。青苔廢鐘在。黃葉病僧眠。回憶舊遊處。遙情飽雲煙。

坡公見魯直煎茶詩云黃九恁地安得不窮吾于蕭亭青苔黃葉之句亦作此嘆

鮑叔牙采地

先賢遺蹟半荒蕪。太息行人友道孤。鮑叔如知應一

笑世間處處有夷吾

石虎山

窈窕石虎山。迤邐郭門外。遙接岱麓雲。近分方阿靄。
清風揚桂旗。暮雨垂虹帶。長嘯發鼓吹。山靈倏然會。
北瀆泉

古寺深藏絕壁間。雲峰雨樹逗秋顏。彷彿置身圖畫
裏。大蘇枯木米家山。

登齊州城樓

細雨一登樓。憑闌四望秋。迴飈吹斷鴈。野水下羣鷗。
渺渺懷千古。茫茫集百憂。方山常在眼。欲伴白雲遊。

題半山畫

青山髣髴謝家樓。采石依然太白舟。何日真如圖畫
裏。漁竿篔簹笠伴君遊。

蕭亭詩選卷二

蕭亭詩選卷三

鄒平

張實居賓公

護

新城

王士禛貽上

批點

學國

嗟予命蹇負姿椎魯書劍無成棄而學圃揮鋤抱甕
 食力作苦戴星而起晨露未晞草木黃落白雲孤飛
 翹首延竚我心則微長鬚野人漢陰老叟予所企慕
 欣然尚友有時獨樂以粟易酒歲云暮矣日月居
 今日蹉跎來者可虞掉首不顧理我嘉蔬

三百篇在前四言可以闕
 筆此獨有中散柴桑風味

登高望遠

平楚通秋色。征人信息遙。青山向日隱。白鳥向人驕。
野草迷荒戍。斜陽冷市橋。停雲千萬里。何計託浮霄。

天馬歌

天馬來下九霄行。斷影風飄飄。房之子。午之精。監人
極日周行。服帝阜。駕御輪將焉往。登崑崙。天馬來產
渥洼。分三駿。散五花。天馬來身汗血。挾風雷。脫羈縶。
天馬來出大宛。服玉輅。入帝苑。天馬來歸聖人。合四
裔。稱臣民。

鉅鹿公主歌

二解

十三嫁作酒家胡。終日艷妝獨當爐。

尋常兒郎眼中無。銜盃對儂捋髭鬚。

與古羅敷行
異曲同工

全喻歌

四解

丈夫好意氣多為。意氣死良驥。伏櫪下焉。知能千里。
從來豪俠人。食人為。人使受恩。豈易言。寧甘嗟來死。

麟翫

男兒出門去。手不持一錢。四海皆兄弟。見面自相憐。
鷄子處籠中。甘心讓鳥雀。男兒居下位。焉能得揮霍。

地驅樂歌

二解

願郎爲簪綰儂不離郎莫爲鏡見面有時
郎心如刀儂心如水將刀畫水水流不止

古甚亦本將刀斷
割水那用東西流

瑯琊王歌 四解

千金買駿馬七寶裝車箱借問誰家婦瑯琊大道王
團泥作彈丸一丸彈一雀懷中明月珠飢來不堪嚼
斗粟與尺布兄弟不相容姊妹嫁一夫姪與兄弟同
層層鎖朱戶歌聲落半空百般好行樂知是郎與儂

讀曲歌 二解

作女須作姊作妹實堪憐阿姊抱兒回阿妹尚獨眠

郎如水上船妾如船下水郎行不出門妾心已千里

襄陽蹋銅蹄 三解

何處蹋銅蹄往來襄陽城日日大堤上散作銅蹄聲
大堤諸女兒人人爭自誇如何銅蹄響郎獨來妾家

有自
矜意

阿郎騎白馬金鞍錦障泥日醉宜城酒襄陽蹋銅蹄

猛虎行

南山猛虎晝食人雙目如電眈眈再拜猛虎前爾
虎聽我陳爾爲百獸王秉性胡不仁既不爲騶虞又
不爲麒麟當學牛與馬服乘事事馴猛虎笑荅言爾

人何其機智深我虎雖不仁。虎虎不自侵。爾人雖名人。強弱衆寡日相禽。勸我學牛馬。辛苦不能禁。老來終不離釜鬻。不信與爾剖腹看。人心狠於猛虎心。

深于張
王樂府

釣竿行

竹竿何籬篔。長絲亦輕盈。香餌才一投。游魚爭來迎。不同渭水非熊叟。有心釣國兼釣名。

都有寄託
非漫擬者

當鰕魚行

仰看何穹窿。俯視何渺茫。四時運氣化。七政麗天章。

彈丸十二州。僻處地一方。岳峙一拳石。海流一勺漿。乃有首出人。治世號皇王。三公與九卿。以次列班行。下及縣大夫。祇同鯉與鱉。縣中千萬戶。日夜鰕魚忙。小子廁其中。鰕魚不足當。

語雜詼謔
古妙難名

枯魚過河泣

枯魚過河泣。涸鮒來相弔。跋鱉甕中笑。

作蠶絲

阿儂箔上蠶。阿郎桑上枝。郎在儂心裏。化成千縷絲。

明下童曲

皎皎明下童。祖父豫章侯。白馬珊瑚鞭。日伴陸郎遊。

姑恩曲 二解

蘭肴白玉盤。桂酒黃金樽。慈烏啞啞鳴。教我報姑恩。
姑駕兩斑龍。馭之以風雨。我欲報姑恩。撞鐘播大鼓。

映江曲

妾貌江水明。妾心江水深。不如秦家鏡。照貌兼照心。

宛然古記

烏栖曲

新月如鈎挂。花前雙星似。眉花外懸。月落星稀。花枝動。城頭曉角破。春夢

似温方城

黃鵠曲

黃鵠東南來。回顧作長鳴。譜之入錦瑟。忽成怨恨聲。

霹靂引 二解

共工頭觸不周崩。祝融逐之加以兵。從此天地歌平
成。

攝相七日。斬聞人。無君臣子。盡奪魂。

語句不多。居然有霹靂之聲。

天馬引 二解

空山寂寂無聲。忽蕭蕭而馬鳴。

挾風雨以御空。三匝余宮。

似左氏所載古
歌辭非近世語

寄馬侍御

才短世無用。糲食復巖棲。羨君富阡陌。大厦廣榱題。
昔爲同學友。一朝隔雲泥。築室青山下。門臨水一溪。
皎皎天邊月。照我面目黧。寂寥寄吟詠。古人尚可稽。
神遊羲熙間。思與柴桑齊。同時有王弘。君其勉攀躋。

題友人隱居

衆山環如屏。幽人此卜宅。泉聲入夢清。嵐氣映階碧。
樾涼集鳥音。苔深印鹿跡。詩酒從所好。悠然意自適。

城中諸貴人。平生不相識。

美人篇

列燭華堂夜。欲分停歌罷。舞意慙慙。盃擎漢帝金蓮。
露枕落荆王玉葉雲。

題石林先生寓園

曲巷荒城北。蓬門綠樹遮。蕭蕭三徑竹。草草一庭花。
對月同分韻。臨風自品茶。原無緇磷相。不種故侯瓜。

小黃山眺望

乍歇連宵雨。千峰勢欲騫。清流環市郭。濕翠撲城門。
草茂牛羊樂。林深牧豎尊。無窮懷古意。寂寞向誰言。

朱牧仲有五老下瞰南康門
之句濕翠撲城門足以相當

結客行

結客爭誇古道新生平
意氣果誰真樽前不用通名
姓酒盡依然陌路人

和陶詠貧士

棲遲衡茅中特立無所依
持躬式金玉吐詞發光輝
四海起長風歛翮不肯飛
日出腰鎌去日暮荷薪歸
甘心力作苦不救寒與飢
飢寒自有分何須徒傷悲

長白竹枝詞

二十首

徐石林先生作長白竹枝詞二十章極盡抑

平川集

揚聊寓美刺有劉賓客揚鐵崖遺意曰此所
聞見亦成二十章以補所未及者

青山綠水遶孤城山是長白水小清驛路東西五
里行人日傍水山行

羣峰只有會仙高俯首平明見海濤舊事仙人乘
兔去山中鳥獸雪爲毛

峯頭一石似飛來峭壁千尋古印臺記得戊寅壬
午歲兩番攻打不曾開

摩訶窈窕翠如屏下有長溪似黛青日射晴波山影
動驚看明鏡照娉婷

書堂路自象山分，犁箭南來半入雲。
野老相逢談往事，流風解說范希文。
山爲范文正公讀書處

孤生古粟自金元，老友題名碣尚存。
一自尚書仙去後，霜枝冷落上婁村。
上婁村有古粟先太保公題曰古粟老友

黃山鐘鼓半天聞，嶺上香煙結彩雲。
翠蓋珠旛爭賽社，虎頭岩畔禮元君。

翠微遐景久荒涼，會景依然兔柴旁。
更好山南魚子水，一園菖竹勝瀟湘。

今此君亦復劫灰矣，可勝嘆耶。

于茲壯與虎岩齊，右枕平沙左一溪。
每到三春風雨

裏兒童結伴拾山雞

二月徐歌土洞前，紅香十里杏花天。
遊人向晚忘歸去，醉上山頭酌乳泉。

相公山子幾千秋，翁仲淒涼對二游。
幸得殘碑猶可

讀雲山江水想風流。
雲山蒼蒼江水泱泱景相碑銘

啞歸口西野水生相公山下暮雲橫。
沙河北去皆榆柳，一帶長堤是舊城。

澣山森森盡菰蘆，湖上人家似畫圖。
漁唱菱歌三十里，吾鄉也自有西湖。

西來潔水入湖流，湖入清河匯錦秋。
兩岸漁村煙水

翼蘆花楓葉映扁舟

連年元旱綠波消一望平湖種麥苗舊蹟欲尋柯古

里居人遙指段家橋

段太常故里

崔嵬石埠接青天坂上曾聞繫釣船莫怪人心多變

換居然滄海化桑田

醴泉古寺水滌洄傳說山場寶誌開大佛頭從平地

出法堂木自井中來

鵬窠谷上亂雲屯白兔仙人古洞存洞外坪田三百

六春來風物勝桃源

戚里宣皇寵會昌淋漓奎藻動天光冬青樹老宵碑

倒不改名山號鳳凰

會仙日有白雲騰雲鎖山腰是雨徵準備春來寒食

後滿天風雨看仙燈

仙燈三月中風雨夜則見乃峨眉聖燈匡廬天燈之類

會仙山

峻極中峰此獨幽天低日見白雲浮

山為長白最高峰雲氣長白

西來

嶽色孤煙秀

西可瞻岱

東望滄波一勾流

東可望海

金簡壇迷虛夜

月赤松蹟杳凜高秋不知山頂何年闢流水

山即古肅然為漢武禪處

柴門勝槩留

西王母祠

在會仙絕頂

周王八駿去迢迢一別崑崙萬里遙下土和時胡不

返迎神猶唱白雲謠

玩湖頂

會仙山北玩湖頂。十里湖光罨畫中。小艇桃花波淼
森。孤村柳色雨濛濛。高風未見玄真子。舊事依然白
兔公。更憶段橋柯古蹟。夕陽一片遠香紅。

石戶頂

有南北兩峰中有
滴水崖滴水如珠

九龍南去呈雙角。領下明珠顆顆垂。自過清明風雨
霽。兩峰相對宛蛾眉。

唐李廌

草滿空階栢影疎。白雲常護二仙居。一聲清磬日嘗

午獨對青山讀道書

靈泉寺

偶過西山麓。閒訪靈泉基。不知何代寺。榛莽沒殘碑。
啼春黑羽鳥。其聲如子規。一勺靈泉水。風吹自漪漪。

魚子溝

水濱有別墅 先忠定公嘗脩禊
于此 櫟括蘭亭序為詩一時傳誦

曾做蘭亭作勝遊。無人被襖幾經秋。今餘一勺魚溝
水。依舊年年嗚咽流。

鳳凰山

我愛鳳凰山。迦谷實幽極。靈境居山腹。煙雲皆深匿。
曲徑如螺旋。遠與不可測。谷窮山勢轉。翔鳳谷中
庵名出岩

側。茆。屋。翳。綠。樹。柴。門。薜。蘿。織。返。照。成。五。色。毋。乃。鳳。凰。
翼。蜂。房。綴。絕。壁。鳥。巢。與。人。逼。處。處。花。香。發。野。蔬。皆。堪。
食。有。泉。傍。僧。寮。天。設。非。人。力。一。勺。清。淨。水。涓。涓。流。不。
息。梵。聲。助。幽。響。泠。泠。豁。曾。臆。明。月。生。遠。峰。四。望。水。晶。
色。呼。僧。披。草。萊。映。月。辨。遺。墨。

蜂房鳥巢險句

鍛砧峰

大谷山前路。鍛砧春翠深。碧流環似帶。黃谷山名抱如襟。
樹色隨寒暑。嵐光自古今。往來樵牧者。盡有白雲心。

蓮花峰

蓮花峰接桃花谷。列嶂參差似翠屏。一卷一舒雲氣
窈。宜。紅。宜。綠。樹。娉。婷。何。年。短。策。凌。高。頂。盡。日。清。陰。俯。
草。庭。更。愛。摩。訶。山。寺。裏。滿。天。鐘。磬。夜。泠。泠。

桃花谷

小徑穿深樹。臨崖四五家。泉聲天半落。滿澗濺桃花。

仙靈語

劈尖頂

劈尖高不極。鳥道如懸渡。望望曉峰青。倒垂雲裏樹。

水尖頂

絕頂飛泉出。迎風曳練形。眼明秋雨後。較勝別峰青。
乳泉

一拳富相山。標形如覆鬴。佳木蔭四圍。春秋更媚嫵。
山腰出異泉。色味真同乳。空擅一方奇。水經不曾譜。
我來正芳春。香風吹紅雨。盤礴泉上亭。風爐手自煮。
顧渚社前茶。紫旗勝蘭村。輕點蟹眼湯。中冷不足數。
一啜神氣清。七椀身栩栩。留連不能去。坐盡雲峰廡。

醴泉寺

春入豐堂嶺。岩壑盡湛明。浮雲自來去。裊裊如有情。
范公讀書處。滿溪碧玉清。白鳥時一下。綠蒲九節生。

月出萬緣寂。靜聽木魚聲。

白鳥二句逼古

游山樂 三首

春水溶溶沒釣臺。楊花未落桃花開。閑騎瘦馬湖堤上。
坐弄潺湲細雨來。

隨意秋波舴艋船。篷窓夜坐對茶煙。高風我愛玄真子。
欲買樵青未有錢。

漠漠漁村雪壓扉。湖波不動釣船稀。畏人水鳥時驚去。
直向寒山影裏飛。

偶然即目 千古寫生

沙河

似帶西郊外沿河大峪河穿花紅翼小名魚啄草白頭
多名鳥細雨鳴哀玉春風熨碧羅平橋深柳岸日曳短
筇過

雋

老人峰

如人四石勢峻嶒日日遙看未一登蠟屐幾雙行脚
遍好山真是愧山僧

超壑峪

偶逐樵夫去尋幽古澗中屯雲連峭下黑返照半巖紅

石鷓巢危壁山雞叫晚風生平禽尚志一杖萬緣空

山寺記夢

瀟湘入夢水悠悠兩岸春風不自由人去桃花應有
廟賦成鸚鵡已無洲何年化鶴三千劫有女乘鸞十
二樓覺後依然山寺裏疎鐘片月滿牀頭

贈吳上人

姑蘇人
善琴

太湖秋水洞庭煙一鉢逍遙不記年夜夜松間初月
上鳳凰飛出七條絃

山中即景

兩髻鬢鬆曳葛裘閑身不入老樵羣山禽見慣皆相

識五穀生成半不分。肌膚春來癰似鶴。心情病後懶如雲。琴殘奕罷先生醉。一枕高眠到日曛。

贈宜兩

世人片言合。孟酒盟新歡。生死輕相許。酒寒盟亦寒。所以古君子。與人愧醴甘。雖言淡如水。水尚生波瀾。

又進一步

喜瑋兒夜讀

星稀月朗晚風輕。百種花香入夜清。石老峰南春樹裏。一窓燈火讀書聲。

詠半錢

九府何年制。虛名亦可珍。秦宮鸞鏡破。漢苑月弦新。體巨欣劉富。囊空惜趙貧。愁來閑把玩。又愧杜陵人。

題趙山人幽居

茆屋千峰合。春林一徑穿。樽開多好句。飯罷只高眠。石峭松奇瘦。岩高水倒懸。歸來回望處。漠漠盡雲煙。宜兩寄書邀入城。

故人傳信至。謂我山居非。料得春耕畢。何妨且暫歸。青絲園韭嫩。雪片海魚肥。不得同君醉。躊躇望翠微。

直述書語不增一字似
岑嘉州還高冠潭之作

答趙山人

少小事絃誦。終年常苦飢。棄而學耕稼。又復無飽時。
不獨旁人笑。我心實自疑。耕讀各有道。或未得其宜。
何以昔賢豪。亦有困窮悲。負耒而行歌。才智無所施。
始知天命在吾數。正當竒

庭中新種柳漸已成陰喜而賦之

一株手種草堂前。露葉風條漸可憐。似譜修眉痕淡
淡。誰教妙舞態蹁蹁。蟬聲沸處秋含雨。鳥夢殘時曉
帶煙。日午空庭張翠幙。繩牀半醉且高眠。

回山別城中諸同學

居鄰白兔舊山旁。白石峩峩淥水長。十里過橋煙雨

路。三家比屋薜蘿莊。綠坡犢飽眠明月。紅樹鶯閑弄
夕陽。祇恐歸遲春欲暮。落花飛絮笑人忙。

小飲雲聲泉上

西山雨霽白雲輕。自鑿新泉碧玉清。舞絮飛花千萬
點。黃鸝紫燕兩三聲。少年好事為貧阻。垂老閑情又
病生。欲趁今宵拚一醉。明朝莫必是陰晴。

暮春寄空道人

乍雨乍晴將送春。輕寒輕暖正宜人。桐花影裏櫻桃
熟。鶯鳥聲中茗葉新。習氣難除詩債擾。人情盡閱醉
鄉真。從今一字休輕吐。好印禪心結正因。

三四新倩
可百延讀

示璋兒

自從黃鵠卧煙霞。一日山厨飯一麻。舊日琴書歸市肆。先人宅第入豪家。違時月下三杯酒。誤我春前幾樹花。爲語癡兒須自愛。休將冷淡作生涯。

王秀才將卜居象山而問風土焉

休將風土問山翁。欲習山翁莫憚窮。有徑皆穿紅樹裏。無人不在白雲中。花香鳥語隨時變。水色嵐光到處同。夜半柴門常不閉。南村頗有太平風。

擬賈閻仙簡趙山人

青山幾點草堂前。謂我忘機野客憐。月砌胎禽垂古竇。立春坡瘦犢帶瘡。眠索綯夜補雲中屋。荷鋪朝關石上田。世事窮通元有分。屈生不必問蒼天。

訪趙山人

山中寂寞少朋曹。遠訪幽人不憚勞。靜樂池魚翻菴藻。閑嗔野鳥啄櫻桃。秋鳴屋角泉聲冷。綠印窓前竹影高。短燭青熒對風雨。共斟濁酒解離騷。

初夏

綠槐陰重引雛鴉。秦女乘鸞上扇紗。永晝沉沉簾影靜。秋波漾漾篔簹紋。斜碧苔院落干枝。筍青草池塘一

鄧蛙午夢初回梅雨霽晚涼處處響縑車

才調集中妙處

得雪亭書是日阮亭訪予舊居

七尺東方一飽難空勞使者勸加餐三更雨止風聲惡四月山深夏氣寒似我原非孤鳳隱宜人祇作老漁看相知幸有王詹事車馬年年問考槃

老筆紛披

題雲聲泉

暮樹發微涼病懷恣偃仰流泉破石出滿澗生清響雨過山更幽殘雲勢茫茫若有情起予天際想

三四妙絕

夏日示王秀才

誰言野老無消受入夏山居事事清紫玉浮盃桑椹酒青錢滿椀藥榆羹新篁釋籜香偏嫩小燕離巢舞更輕助我南窓高枕興松風解作蜀琴聲

我有一樽酒戲為王秀才賦

我有一樽酒不與王生飲結交已二世相信何未審留待明月來晴光襲短衽自斟還自酌為樂豈弗甚清穢如幕翠露花勝濯錦離園中蔬天茁三十品半醉揚袂歌沉酣曲肱枕夢中呼王生大笑而噤吟

不識程伯淳。寧無學責沈。

詠朝
甚雅

田家雨後

向晚雨初霽。萬象媚殘暉。山容競新沐。白雲倦欲歸。
岳岳牛羊下。戾天一鷲飛。清流滿澗壑。魴鯉亦微微。
綠樹蔭茅屋。碧蘿挂柴扉。小人事耕稼。破笠短牛衣。
入田行水返。顧瞻禾黍肥。復幸逢堯運。洒然脫塵鞿。

雪亭枉過山村

坐我草堂下。清樾羅碧天。西風時一吹。滿徑生雲煙。
君歌我能舞。潦倒芳樽前。布被十三幅。火新抵足眠。

茲會良不易。況復殘暮年。君非無情者。那得不留連。

九日王秀才攜酒至

繽紛籬下菊。幾枝帶霜妍。物苟有至性。造化亦無權。
故人攜酒過。斟酌坐花前。狂歌無宮商。破琴不必絃。
麤語桑麻事。稍稍及詩篇。愛茲重九名。不覺已陶然。

結妙天然
此真古詩

雪中有感 二首

蕭蕭竹似鳴。秋響起看窓。前雪已深去。歲東園今夜
半明燈。濁酒正談心。

采芝堂外霏霏雪。好景難逢最此時。不在三年山裏

住輞川畫筆少陵詩

雪後喜王秀才過訪

心坐南榮閑曝背。西山雪霽半停雲。忽驚樹裏聞人語。布帽單裘定是君。

畫

蕭亭詩選卷三

